

# Akashvani, Sambalpur

## SAMBALPURI NEWS MORNING BULLETIN

2 March 2026 - 6.47- 6.52 am.

---

ବରଗଡ଼, ବଲାଙ୍ଗିର ନକ୍ସଲମୁକ୍ତ

ପ୍ରେସ୍ ରିଲିଜ୍

ରାଏଜେ ନକ୍ସଲ ବିରୋଧୀ ଅଭିଯାନ ଓଡ଼ିଶା ପୁଲିସ୍କେ ବଡ଼ ସଫଳତା ମିଳିଛି । ପୁଲିସ୍ ମହାନିର୍ଦ୍ଦେଶକ ଯୋଗେଶ୍ ବାହାଦୂର ଖୁରାନିଆ ବଲାଙ୍ଗିର ଆଉ ବରଗଡ଼ ଜିଲ୍ଲାକେ ନକ୍ସଲମୁକ୍ତ ଘୋଷଣା କରିଛନ୍ । ଛତିଶଗଡ଼ର ମହାସମୂହ ଜିଲ୍ଲା ନ ଗଲାକାଏଲ୍ ୧୫ ଝନ୍ ମାଓବାଦୀ ଅସ୍ତ୍ର ଛାଡ଼ିକରି ସମାଜର ମୁଖ୍ୟସ୍ରୋତଥୁ ସାମିଲ୍ ହେଇଛନ୍ । ଇ ମାଓବାଦୀମାନେ ବରଗଡ଼-ବଲାଙ୍ଗିର-ମହାସମୂହ ଡିଭିଜନ୍ ନ ସକ୍ରିୟ ଥିଲେ । ଇମାନକର ଆତ୍ମସମର୍ପଣ ଉତ୍ତରୁ ବରଗଡ଼ ଆଉ ବଲାଙ୍ଗିର ଜିଲ୍ଲା ପୁରାପୁରି ଭାବେ ନକ୍ସଲ ମୁକ୍ତ ହେଇଛେ ବଳି ଶ୍ରୀ ଖୁରାନିଆ କହିଛନ୍ । ସୁରକ୍ଷା ବାହିନୀ ତରଫୁ ବହୁତ ଦିନ ହେଲା ଚାଲିଥିବା ଅଭିଯାନ ସହେତେ ସ୍ଥାନୀୟ

ଲୁକ୍କର ସହଯୋଗ ଲାଗି ଇ ସଫଳତା ମିଳିଛି ବଳି ସେ  
କହିଛନ୍ ।

ରତ୍ନଭଣ୍ଡାର ଗନ୍ତି ମନ୍ତି ପୁରୀ ସମ୍ପାଦକାତା

ପୁରୀ ଶ୍ରୀମନ୍ଦିର ପରିଚାଳନା କମିଟି ବୈଠକ୍ ଗଜପତି ମହାରାଜା  
ଦିବ୍ୟସିଂହ ଦେବଙ୍କର ଅଧ୍ୟକ୍ଷତାଧି ଆଏକ୍ ହେବା । ବୈଠକ୍  
ରତ୍ନଭଣ୍ଡାର ଅଲଙ୍କାର ଗନ୍ତି ମନ୍ତିର ସମିଆ ଧାରିକ୍ ଆଉ  
ଗୁଣ୍ଡିଚା ମନ୍ଦିର ଖୁଲ୍ବାର ବାବ୍ଦେ ରୂଡ଼ାନ୍ତ ନିଷ୍ପତି ନିଆଯିବା ବଳି  
ଜନାପଡ଼ିଛି । ସେବାୟତଙ୍କର ଛୁଆମାନଙ୍କର ଲାଗି ଆଦର୍ଶ  
ଗୁରୁକୁଲ୍ ଥାପ୍ନା, ମାହାପୁରୁଙ୍କର ନୂଆଁ ରତ୍ନପଲଙ୍କର ବେଭାର,  
ଶ୍ରୀମନ୍ଦିର ଭିତ୍ରେ ପୁଲିସ୍ ଆଉ ସେବାୟତମାନଙ୍କର ମୋବାଇଲ୍  
ଫୋନ୍ ବେଭାର ନିଷ୍ପେଧ, ନାଟମଣ୍ଡପ୍ ନ ଶ୍ରଦ୍ଧାଲୁମାନଙ୍କର  
ଶୃଙ୍ଖଳିତ୍ ଦର୍ଶନ୍ ଆଉ ଶୀତତାପ ନିୟନ୍ତ୍ରିତ ବ୍ୟବସ୍ଥା ଉପ୍ରେ  
ଆଲୋଚନା କରାଯିବା ବଳି ଆମର ସମ୍ପାଦକାତା ସୁର୍ନା  
ଦେଇଛନ୍ ।

ମୁଖ୍ୟମନ୍ତ୍ରୀ ଜନ ଅଭିଯୋଗ ଶୁଣାଣି      ଆଇ.ଆର୍.ପି.ଆର

ଅଲଗା ଜରୁରୀ କାମ ଥିବାରୁ ଭୁବନେଶ୍ୱର ନ ଥାଏଜ୍  
ମୁଖ୍ୟମନ୍ତ୍ରୀଙ୍କର ଜନ ଅଭିଯୋଗ ଶୁଣାଣି ବନ୍ଦ ରହେବା । ଥାଏବା  
ଶୁଣାଣି ତାରିଖ୍ ଗଣମାଧ୍ୟମ୍ ଜରିଏ ଜନେଇ ଦିଆଯିବା ବଳି  
ସାଧାରଣ ଅଭିଯୋଗ ବିଭାଗ୍ ତରଫୁ ସୂଚନା ଦିଆଯାଇଛେ ।

ଏର୍ପିଭି ଟୀକାକରଣ୍      ଆର୍ଏନ୍‌ସ୍/ ସମ୍ବଲପୁର

ରାଏଜେ ଥାଏଜ୍‌ଠାରୁ ଏର୍ପିଭି ଟୀକାକରଣ୍ କାର୍ଯ୍ୟକ୍ରମ୍  
ଜୋର୍ଦ୍ଦାର୍ କରାଯିବା । ରାଜ୍ୟର୍ ସବୁ ଜିଲ୍ଲା ମୁଖ୍ୟ ଚିକିତ୍ସାଳୟ୍,  
ଉପଖଣ୍ଡ, ଗୋଷ୍ଠୀ ଆଉ ଉଚ୍ଚପ୍ରାଥମିକ୍ ସ୍ୱାସ୍ଥ୍ୟ କେନ୍ଦ୍ର ମାନ୍କେ  
ଟୀକା ଦିଆଯିବା । ଟୀକା ନେବାର୍କେ ଚାହୁଁଥିବା ଟୁକେଲ୍ ମାନେ  
ନିଜର୍ ବୟସ୍ ପ୍ରମାଣପତ୍ର ସହେତେ ୟୁ-ଓଁନ୍ ପୋର୍ଟାଲ୍‌ଥି  
ପଞ୍ଜିକରଣ କରକରି ଟୀକା ନେଇପାରବେ । ୧୪ ନୁ ୧୫ ବଛର୍  
ବୟସର୍ ଟୁକେଲ୍‌ମାନେ ନାହେଲେ ତାକର୍ ଅଭିଭାବକ୍ ମାନେ  
ନିଜର୍ ମୋବାଇଲ୍‌ଥି ୟୁ-ଓଁନ୍ ପୋର୍ଟାଲ୍କେ ଯାଇକରି ଥାଧାର୍

କାର୍ତ୍ତିକ ଆଉ ବୟସ ପ୍ରମାଣପତ୍ର ଅପଲୋଡ୍ କଲେ ଗୁଟେ ଓଟିପି  
ଆସୁବା । ତାରପରେ ପଞ୍ଜିକରଣ୍ ହେଇପାରୁବା ।

ରଞ୍ଜୋସୁବ                      ଆଇ.ଆଣ୍.ପି.ଆର୍

ଓଡ଼ିଶା ଗ୍ରାମ୍ୟ ଉନ୍ନୟନ୍ ଆଉ ବିପଣନ ସମିତି ଓରମାସ୍ ତରଫୁ  
ଭୁବନେଶ୍ୱର ନ ରଞ୍ଜୋସୁବ -୨୦୨୨ ଗଲାକାଏଲ୍ ମୁଲ୍  
ହେଇଛେ । ଉସର୍ଥୁ ପ୍ରାକୃତିକ ରଙ୍ଗ୍ ସହେତେ ଓଡ଼ିଶାର୍ ପାରମ୍ପରିକ୍  
ଖାଦ୍ୟ ସୁସ୍ଥ ହସ୍ତଶିଳ୍ପ ଆଉ ହାତ୍ ତିଆରି ଘରକରନା ଦରବ୍,  
ଗାଁଗହଲିର୍ ଦରବ୍ ବିକ୍ରି କରାଯାଉଛେ । ଉସର୍ର ମୁଖ୍ୟ ଉଦ୍ଦେଶ୍ୟ  
ହେଲା, ସୁରକ୍ଷିତ୍ ଆଉ ପରିବେଶ୍ ଅନୁକୂଲ୍ ହୋଲି ପାଲନ୍କେ  
ତହିଁକାବାର୍ ସହେତେ ମହିଳା ସ୍ୱୟଂ ସହାୟକ ଗୋଷ୍ଠୀମାନ୍କୁ ଗୁଟେ  
ସ୍ଥାୟୀ ବଜାର୍ ସୁଗେଇ ଦେବା । କାର୍ଯ୍ୟକ୍ରମ୍ କେନ୍ଦ୍ରେକରି  
ଫଂଚାୟତିରାଜ୍ମନ୍ତ୍ରୀ ରବିନାରାୟଣ୍ ନାଏକ୍ କହିଛନ୍, ଇ ଉସର୍  
ସୁରକ୍ଷିତ୍ ରଙ୍ଗ୍ ଆଉ ନାରୀ ସଶକ୍ତିକରଣ୍ ର ଗୁଟେ ସୁନ୍ଦର୍ ସମନ୍ୱୟ  
ଆଏ । ଇ ମେଳା ଆସବା ୪ ତାରିଖ୍ତକ୍ ଚାଲୁବା ।

ହୋଲି - ସ୍ଵତନ୍ତ୍ର ଟ୍ରେନ୍

ଏନ୍ଏସ୍‌ଟି

ହୋଲି ସମିଆଥି ଭିଡ଼କେ ନିୟନ୍ତ୍ରଣ ଆଉ ଯାତ୍ରୀମାନଙ୍କର ସୁରକ୍ଷିତ ଯାତ୍ରା ଲାଗି ଭାରତୀୟ ରେଲ୍‌ବାଇ ତରଫୁ ଖାସ୍ ବ୍ୟବସ୍ଥା କରାଯାଇଛି । ଉତ୍ତରାଂଚଲ୍ ରେଲ୍‌ବାଇ ତରଫୁ ସାରା ଦେଶେ ୬୪ ଟା ହୋଲି ସ୍ଵତନ୍ତ୍ର ଟ୍ରେନ୍ ଚଳାତଲ୍ କରବାରକେ ନିଷ୍ପତି ନିଆଯାଇଛି । ଗଲାକାଏଲ୍ ୨୦ ଟା ସ୍ଵେଶାଲ୍ ଟ୍ରେନ୍ ଚଳାତଲ୍ ମୁଲ୍ ହେଇଥିବାର ବେଳେ ଆଏଜ୍ ଆହୁରି ୪୪ ଟା ଟ୍ରେନ୍ ଚଳାତଲ୍ କରବାରକେ ଯାଉଛି ।

ଚନ୍ଦ୍ରଗ୍ରହଣ - ସମଲେଇ ମନ୍ଦିର

ଆର୍ଏନ୍‌ୟୁ/ ସମ୍ବଲପୁର

ଆଏବା କାଏଲ୍ ହେବାରକେ ଥିବା ଚନ୍ଦ୍ରଗ୍ରହଣ ଲାଗି ସମ୍ବଲପୁର ସମଲେଇ ମନ୍ଦିର ନୀତିକାନ୍ତିଥି ପରିବର୍ତ୍ତନ କରାଯାଇଛି । ଆଏବା କାଏଲ୍ ମା'ଙ୍କର୍ ସର୍ବସାଧାରଣ ଦର୍ଶନ ବନ୍ଦ ରହେବା । ଭୋର୍ ୪ ବଜେ ମନ୍ଦିର ଖୁଲ୍‌ବାର ପରେ ମା'ଙ୍କର୍ ସ୍ନାନ ନୀତି, ମଙ୍ଗଳ ଆଲ୍‌ତୀ, ପୂଜାର୍ଚ୍ଚନା ଉତ୍ତରୁ ପ୍ରସାଦ୍ ଅର୍ପଣ ଆଉ ଅଲ୍‌ଗା

ବିଧି କରାଯିବ । ବୁଧବାର ଭୋର ୪ ବଜେ ଦ୍ଵାର ଖୁଲିଲା ଉତ୍ତରୁ ପହେଲା ମନ୍ଦିରକେ ଶୁଦ୍ଧି କରାଯିବ । ତାର ଉତ୍ତରୁ ଫି'ଦିନିଆ ନୀତିକାନ୍ତି ସହେତେ ଫେର ଦର୍ଶନ ମୁଲ୍ ହେବା ବଳି ସମଲେଶ୍ଵରୀ ମନ୍ଦିର ଗ୍ରନ୍ଥବୋର୍ଡ଼ ତରଫୁ କୁହାଯାଇଛି ।

ଭିସୁଟ୍ ଟିମ୍ ସଫଳତା                      ଆରବନ୍ଦୁ/ ସମ୍ବଲପୁର

ବୁର୍ଲା ବୀର ସୁରେନ୍ଦ୍ର ସାଏ ବୈଷୟିକ ବିଶ୍ଵବିଦ୍ୟାଳୟ- ଭିସୁଟ୍ ଦଳ ଏରୋଟେକ୍ ରେଗୁଲାର୍ ଶ୍ରେଣୀ ଡିଜାଇନ୍ ରିପୋର୍ଟ ବିଭାଗ୍ ସାରାଦେଶେ ପହେଲା ଠାନେ ରହିକରି ରାଜ୍ୟ ଲାଗି ଗୌରବ୍ ଆନିଛି । ଚେନ୍ନାଇର କେସିଜି କଲେଜ୍ ଅଫ୍ ଟେକ୍ନୋଲୋଜି ନ ଫେବୃଆରୀ ୨୦ ନୁ ୨୨ ତାରିଖ ଭିତ୍ରେ ହେଇଥିବା ପ୍ରତିଯୋଗିତାଥ୍ ଭିସୁଟ୍ ଦଳ ବିଜୟୀ ହେଇଛି । ପ୍ରତିଯୋଗିତାଥ୍ ଦେଶର ବଡ଼ବଡ଼ ବୈଷୟିକ ଶିକ୍ଷାନୁଷ୍ଠାନର ୮୦ ଟା ଦଳ ଭାଗ୍ ନେଇଥିଲେ ।

ସମ୍ବଲପୁର କପ୍ ଫୁଟ୍ବଲ୍ ଚୁର୍ଣ୍ଣାମେଠା                      ଆରବନ୍ଦୁ/ ସମ୍ବଲପୁର

ସମ୍ବଲପୁର ବୀର ସୁରେନ୍ଦ୍ର ସାଏ ଷ୍ଟାଡ଼ିୟମ୍ ନ ଗଲାକାଏଲ୍  
ଖେଳାଯାଇଥିବା ସର୍ବଭାରତୀୟ ସମ୍ବଲପୁର କପ୍ ଫୁଟ୍‌ବଲ୍  
ଟୁର୍ଣ୍ଣାମେଣ୍ଟ୍ କେରଲ୍ ବିଦ୍ୟୁତ୍ ବୋର୍ଡ଼୍ ଚମ୍ପିଆନ୍ ହେଇଛେ ।  
କେରଲ୍ ପୁଲିସ୍ ଦଳ୍କେ ପେନାଲ୍ଟି ସୁଟ୍‌ଆଉଟ୍ ଜରିଏ ୫/୪  
ଗୋଲ୍‌ଥୁ ହରେଇକରି ବିଦ୍ୟୁତ୍ ବୋର୍ଡ଼୍ ଇ ଟାଇଟେଲ୍ ହାସଲ୍  
କରିଛେ । ଉଦ୍‌ଯାପନୀ ସମାରୋହ୍‌ଥୁ ଉପମୁଖ୍ୟମନ୍ତ୍ରୀ କନକ୍ ବର୍ଦ୍ଧନ୍  
ସିଂହଦେଓ ଯୋଗ୍‌ଦେଇକରି ବିଜୟୀ ଦଳ୍କେ ପୁରସ୍କୃତ୍ କରିଥିଲେ ।

ଟି-୨୦ ବିଶ୍ୱକପ୍ ଆରଂଭ୍/ ସମ୍ବଲପୁର

ଆଇସିସି ଟି-୨୦ ବିଶ୍ୱକପ୍ ପୁରୁଷ କ୍ରିକେଟ୍‌ଥୁ ଗଲାକାଏଲ୍ ଭାରତ୍  
ଓଷ୍ଟ୍ରେଲିୟାକ୍‌କେ ୫ ଓକ୍‌କେଟ୍‌ଥୁ ହରେଇକରି ସେମିଫାଇନାଲ୍କେ  
ଯାଇଛେ । ଆଏବା ୫ ତାରିଖ୍ ଦିନ ଭାରତୀୟ ଦଳ୍ ୨ ନମ୍ବର୍  
ସେମିଫାଇନାଲ୍ ମେଟ୍‌ଥୁ ଇଂଲଣ୍ଡ୍‌କେ ଭେଟ୍‌ବା । କୋଲକାତାର  
ଇଡେନ୍ ଗାଡେନ୍ ଷ୍ଟାଡ଼ିୟମ୍ ନ ଗଲାକାଏଲ୍ ଖେଳାଯାଇଥିବା

ମେରୁ ଓପନିଂ ବେରୁମେନ୍ ସଞ୍ଜୁ ସାମସନ୍ଙ୍କର ବିସ୍ଫୋରକ  
ଇନିଂସ୍ ଭାରତ୍କେ ଜିତାବାରୁଥ୍ ବଡ଼ ଭୂମିକା ନେଇଥିଲା ।

ପାଣିପାଗ ଆର୍ଦ୍ରତ୍ଵ/ ସମ୍ବଳପୁର

ଆଏବା ୨୪ ଘଂଟା ଭିତ୍ରେ ରାଜ୍ୟର ବଡ଼ଭାଗୀ ଜାଗା ନ ପାଗ୍  
ଶୁଖା ରହେବା । ହସ୍ତେତକ୍ ପାଗ୍ ଏକ୍ତା ରହେବା ବଳି ଭୁବ୍ନେଶ୍ଵର  
ଆଂଚଳିକ୍ ପାଣିପାଗ୍ ବିଜ୍ଞାନ୍ କେନ୍ଦ୍ର ତରଫୁ ଅନୁମାନ  
କରାଯାଇଛେ । ରାଜ୍ୟର ବଡ଼ଭାଗୀ ଜାଗା ନ ଗଲାକାଏଲ୍ ଦିନର  
ତାପମାତ୍ରା ୩୨ ଡିଗ୍ରୀ ଉପ୍ରେ ରହିଥିଲା ।